

O'ZBEKISTON RESPUBLIKASI PREZIDENTI
ADMINISTRATSIYASI HUZURIDAGI
**TA'LIM SIFATINI TA'MINLASH
MILLIY AGENTLIGI**



TA'LIM DASTURINI
MAXSUS DAVLAT AKKREDITATSIYASIDAN O'TKAZISH BO'YICHA

YAKUNIY HISOBOT



ORIENTAL
UNIVERSITETI

ORIENTAL UNIVERSITETI

Nodavlat oliy ta'lim tashkiloti

60410900 – Biznesni boshqarish

Bakalavriat



**O'ZBEKISTON RESPUBLIKASI PREZIDENTI
ADMINISTRATSIYASI HUZURIDAGI
TA'LIM SIFATINI TA'MINLASH MILLIY AGENTLIGI**

60410900 – Biznesni boshqarish

**TA'LIM DASTURINI MAXSUS DAVLAT AKKREDITATSIYASIDAN
O'TKAZISH BO'YICHA YAKUNIY HISOBOT**

ORIENTAL UNIVERSITETI

(Ekspert komissiyasi xulosasi asosida)

EKSPERT KOMISSIYASI TARKIBI



Rais: SAIDOV FARRUX FAXRIDDINOVICH

**Muhammad al-Xorazmiy nomidagi Toshkent axborot
texnologiyalari universiteti**

fan doktori (DSc)



A'zo: JYOTI MESHRAM

Team University

falsafa doktori (PhD)

1. UMUMIY MA'LUMOTLAR

Ariza raqami	MAO260078
Xulosa raqami	942
Xulosa sanasi	07.06.2026
Ta'lim tashkilotining to'liq nomi	"ORIENTAL UNIVERSITETI" MAS'ULIYATI CHEKLANGAN JAMIYATI
Tashkilot manzili, litsenziya / identifikatsiya ma'lumotlari	Toshkent shahri, Olmazor tumani, Noroztepa ko'chasi, 52-uy. Guvohnoma: MAS № 0000299, 08.07.2026.
Baholangan ta'lim dasturi nomi	Biznesni boshqarish
Yo'nalish / mutaxassislik kodi	60410900
Akkreditatsiya usuli	masofaviy / joyiga chiqib

2. HUQUQIY ASOSLAR

Xulosa tayyorlanishiga asos bo'lgan normativ-huquqiy hujjat:

O'zbekiston Respublikasi Vazirlar Mahkamasining "O'rta maxsus, kasbiy, oliy va oliy ta'limdan keyingi ta'lim, shuningdek, kadrlarni qayta tayyorlash va ularning malakasini oshirish tashkilotlarini kompleks hamda maxsus davlat akkreditatsiyasidan o'tkazish tizimini joriy etish to'g'risida" 2025-yil 6-avgustdagi 498-son qarori 1-ilovasi bilan tasdiqlangan "O'rta maxsus, kasbiy, oliy va oliy ta'limdan keyingi ta'lim, shuningdek, kadrlarni qayta tayyorlash va ularning malakasini oshirish tashkilotlarini kompleks hamda maxsus davlat akkreditatsiyasidan o'tkazish tartibi to'g'risida"gi Nizom.

Maxsus davlat akkreditatsiyasi:

O'rta maxsus, kasbiy, oliy ta'limni va oliy ta'limdan keyingi ta'limni, shuningdek, kadrlarni qayta tayyorlash va ularning malakasini oshirishni amalga oshiruvchi davlat va nodavlat ta'lim tashkilotlarida ta'lim dasturlari bo'yicha o'quv jarayoni boshlanishidan oldin amalga oshiriladigan jarayon.

3. TA'LIM DASTURINING UMUMIY TAVSIFI

1. Ta'lim tashkilotining litsenziya/guvohnomasi: <i>License/Certificate of Educational Institution:</i>	MAS № 0000299, 08.07.2026
2. Ta'lim tashkilotining turi: <i>Type of Educational Institution:</i>	Nodavlat oliy ta'lim tashkiloti
3. Ta'lim dasturi kodi va nomi: <i>Code and Name of Study Programme:</i>	60410900 – Biznesni boshqarish
4. Ta'lim dasturining ingliz tilida nomlanishi: <i>Name of Study Programme in English:</i>	60410900 – Business Management
5. Ta'lim dasturining rus tilida nomlanishi: <i>Name of Study Programme in Russian:</i>	60410900 – Управление бизнесом
6. Hamkorlikda amalga oshirilishi: <i>Offered in Cooperation with:</i>	—
7. Ta'lim tili: <i>Medium of Instruction:</i>	o'zbek
8. Ta'lim shakli: <i>Mode of Study:</i>	kunduzgi / kechki
9. Ta'lim dasturi hajmi: <i>Study Programme Credits:</i>	240 kredit
10. Ta'lim dasturi davomiyligi: <i>Duration of Study Programme:</i>	4 yil / 4,5 yil
11. Milliy malaka ramkasidagi darajasi: <i>Level in National Qualifications Framework:</i>	6-daraja
12. Kvalifikatsiya(lar) nomi: <i>Qualification Title:</i>	Iqtisodchi
13. Qo'shimcha beriladigan kvalifikatsiyalar: <i>Additional Qualifications Awarded:</i>	—
14. Ta'lim dasturi yakunida beriladigan hujjat turi: <i>Type of Document Issued Upon Completion:</i>	Davlat namunasidagi diplom
15. Ta'lim oluvchilarning me'yoriy miqdori (to'liq davr): <i>Maximum Number of Students (full period):</i>	400 nafar
16. Ta'lim dasturini o'qitish manzili: <i>Address Where the Study Programme is Delivered:</i>	Toshkent shahri, Olmazor tumani, Noroztepa ko'chasi, 52-uy

4. BAHOLASH YO'NALISHLARI VA MEZONLAR BO'YICHA NATIJALAR

Har bir yo'nalish bo'yicha baho (muvoqif / muvoqif emas) va har bir mezon bo'yicha baho (muvoqif / qisman muvoqif / muvoqif emas) deb baholanadi.

№	Baholash yo'nalish (bob) va mezonlari	Muvofiqligi
1.	Tashkiliy-boshqaruv va sifatni ta'minlash	Muvofiq
1.1.	<i>ta'lim dasturini amalga oshirish bo'yicha tarkibiy tuzilma va uning samarali ishlash mexanizmlarining mavjudligi;*</i>	Muvofiq
1.2.	<i>ta'lim dasturini rivojlantirish va moliyaviy barqarorligini ta'minlash bo'yicha 5 yillik istiqbolli rejaning mavjudligi;</i>	Muvofiq
1.3.	<i>ta'lim dasturi doirasida sifatni ichki ta'minlash mexanizmining mavjudligi hamda bu jarayonlarda manfaatdor tomonlarning ishtiroki ta'minlangani;</i>	Muvofiq
1.4.	<i>mehnat bozori va ta'lim ehtiyojlari hamda ilmiy-tadqiqotning so'nggi tendensiyalarini aniqlash bo'yicha monitoring tizimining mavjudligi;</i>	Muvofiq
2.	Ta'lim dasturlari	Muvofiq
2.1.	<i>manfaatdor tomonlar ishtirokida ta'lim dasturining belgilangan tartibda ishlab chiqilgani. Bunda ta'lim dasturining maqsadi, natijalarining belgilangani, mehnat bozori, davlat ta'lim standarti va milliy malakalar ramkasi talablariga muvofiqligi;*</i>	Muvofiq
2.2.	<i>ta'lim dasturining milliy ta'lim tizimidagi ustuvor yo'nalishlar va xalqaro andozalar asosida ishlab chiqilgani;</i>	Muvofiq
2.3.	<i>ta'lim dasturining davomiyligi, fanlarning uzviyligi va uzluksizligi ta'minlangani;</i>	Muvofiq
3.	O'quv jarayonini tashkil etish va o'quv natijalarini baholash	Muvofiq
3.1.	<i>ishchi o'quv reja va dasturlarining belgilangan talablarga muvofiq ishlab chiqilgani;*</i>	Muvofiq
3.2.	<i>o'quv jarayonining ta'lim dasturida belgilangan o'quv natijalariga erishishga yo'naltirilgani;*</i>	Muvofiq
3.3.	<i>o'quv jarayonining doimiy baholab borilishi va takomillashtirishga qaratilgani;</i>	Muvofiq
3.5.	<i>ta'lim dasturi doirasida talabalar bilimining shaffof va xolis baholanishi, baholash jarayonlarining o'quv natijalariga muvofiqligi;</i>	Muvofiq
3.6.	<i>talabalarning baholash natijalari bo'yicha fikr-mulohazalarini olish imkoniyati mavjudligi;</i>	Muvofiq
3.7.	<i>ta'lim dasturida akademik halollik qoidalarining belgilangani va unga zid holatlarning oldini olish bo'yicha samarali tizimning mavjudligi;*</i>	Muvofiq

№	Baholash yo'nalish (bob) va mezonlari	Muvofiqligi
4.	Talabalar faoliyati	Muvofiq
4.1.	<i>ta'lim dasturi bo'yicha qabul talablari aniq belgilangani, o'qishga qabul qilish shaffof tarzda yo'lga qo'yilgani;</i>	Muvofiq
4.2.	<i>qabul parametrlarining ta'lim tashkilotining resurslari va imkoniyatlariga mos kelishi;*</i>	Muvofiq
4.3.	<i>talabalarining o'qishini ko'chirish, kursdan-kursga o'tkazish (qoldirish), o'qishdan chetlashtirish va o'qishini qayta tiklash tartibining belgilangani;*</i>	Muvofiq
4.4.	<i>talabalarni qo'llab-quvvatlash va ularga maslahat berish mexanizmlarining mavjudligi;</i>	Muvofiq
5.	Inson resurslari	Muvofiq
5.1.	<i>ta'lim dasturi uchun belgilangan me'yorlarga muvofiq pedagog kadrlar, shuningdek, boshqaruv, texnik, xizmat ko'rsatuvchi va o'quv-yordamchi xodimlar mavjudligi hamda ularning sifat tarkibi, malakasi va mutaxassisligi belgilangan talablarga mosligi;*</i>	Muvofiq
5.3.	<i>yangi ta'lim dasturlari bo'yicha o'quv rejadagi fanlarga mos (tegishli) kasbiy, pedagogik va ilmiy kompetensiyalarga ega pedagog kadrlar bilan ta'minlash bo'yicha aniq rejaning mavjudligi;*</i>	Muvofiq
5.4.	<i>kadrlarning kasbiy rivojlanishi va malaka oshirishiga sharoit yaratilgani, moddiy va ma'naviy rag'batlantirish tizimining mavjudligi;</i>	Muvofiq
6.	Moddiy-texnik ta'minot	Muvofiq
6.1.	<i>ta'lim dasturini amalga oshirish uchun amaliy, laboratoriya mashg'ulotlari va kurs ishi (loyiha)ni bajarish uchun zarur asbob-uskunalar, jihozlar, inventarlar, texnikalar, xomashyo materiallari va boshqalarning mavjudligi hamda metodik qo'llanma (ko'rsatma)lar bilan ta'minlangani;*</i>	Muvofiq
6.2.	<i>fanlar kesimida o'quv va o'quv-metodik adabiyotlar, elektron ta'lim resurslari bilan belgilangan talablarga muvofiq ta'minlangani;*</i>	Muvofiq
6.3.	<i>o'quv va laboratoriya xonalari hamda ustaxona (poligon)larning talabalar sonidan kelib chiqib, ta'lim dasturlariga mos jihozlar va axborot-kommunikatsiya vositalari bilan ta'minlangani hamda xavfsizlik qoidalariga rioya qilingani;*</i>	Muvofiq
6.4.	<i>inklyuziv ta'lim olish uchun binolar va jihozlarning moslashtirilgani, maxsus o'quv materiallarining mavjudligi, axborot-kommunikatsiya vositalaridan foydalanish imkoniyati yaratilgani;</i>	Muvofiq
6.5.	<i>axborot-resurs markazining (kutubxonaning) ta'lim dasturlariga mos o'quv adabiyotlari, kompyuterlar bilan ta'minlangani, o'quv zali va elektron kutubxonaning mavjudligi;*</i>	Muvofiq

No	Baholash yo'nalish (bob) va mezonlari	Muvofiqligi
6.6.	<i>raqamli ta'lim muhiti yaratilgani (LMS, wi-fi zonalari, onlayn kurslar, vebinarlar va masofaviy ta'lim imkoniyatlari);</i>	Muvofiq
6.7.	<i>ta'lim dasturi xususiyatidan kelib chiqib, maxsus xona yoki bino va inshootlarining (sport zali, stadion, musiqa xonasi va boshqalarning) mavjudligi.</i>	Muvofiq

5. BAHOLASH YO'NALISHLARI (BOB) BO'YICHA XULOSALAR

1-bob. Tashkiliy-boshqaruv va sifatni ta'minlash yo'nalishi

1-bob bo'yicha o'tkazilgan baholash natijalari hamda taqdim etilgan hujjatlar tahlili asosida mazkur bobdagi barcha indikatorlar muvofiq deb topildi. Tahlillar natijasida ta'lim dasturini amalga oshirish uchun mas'ul tarkibiy tuzilma sifatida "Biznes va boshqaruv" kafedrasini belgilangani va uning faoliyati amaldagi normativ-huquqiy hujjatlar asosida tashkil etilgani aniqlandi. Kafedraning boshqaruv tizimi O'zbekiston Respublikasining namunaviy shtat me'yorlari (2017-yildagi 2859-son ro'yxatdan o'tkazilgan hujjat) talablari asosida shakllantirilgan bo'lib, boshqaruv, texnik, xizmat ko'rsatuvchi hamda o'quv-yordamchi xodimlar soni talabalar kontingenti va o'quv yuklamasidan kelib chiqib belgilangan. Bunday yondashuv boshqaruv resurslarining ta'lim jarayoni ehtiyojlariga mutanosib taqsimlanishini ta'minlaydi. Ichki sifatni ta'minlash mexanizmlari hamda ta'lim dasturini rivojlantirishga qaratilgan istiqbolli reja ishlab chiqilgan bo'lib, tashkiliy-boshqaruv va sifatni ta'minlash tizimi ta'lim dasturining maqsadlari hamda amaldagi normativ talablarga muvofiq shakllantirilgan.

2-bob. Ta'lim dasturlari yo'nalishi

2-bob bo'yicha o'tkazilgan baholash natijalari hamda taqdim etilgan hujjatlar tahlili asosida mazkur bobdagi barcha indikatorlar muvofiq deb topildi. Tahlillar natijasida Oriental universiteti "Biznes va boshqaruv" kafedrasida bakalavriat ta'lim dasturlari O'zbekiston Respublikasi Davlat ta'lim standartlari va malaka talablari asosida ishlab chiqilgani aniqlandi. Ta'lim dasturi bakalavr bosqichi uchun belgilangan o'quv reja asosida shakllantirilgan bo'lib, umumkasbiy va ixtisoslik fanlari o'rtasidagi mutanosiblik ta'minlangan. Har bir fan bo'yicha o'quv-metodik majmualar, ishchi dasturlar, ma'ruza matnlari, amaliy mashg'ulot materiallari hamda baholash vositalari ishlab chiqilgan. O'quv-metodik ta'minotning fanlar kesimida to'liq

shakllantirilgani ta'lim jarayonini samarali tashkil etishga xizmat qiladi. Biznesni boshqarish yo'nalishi uchun nazariy tayyorgarlikni amaliy boshqaruv ko'nikmalari bilan uyg'unlashtirish bitiruvchilarning kasbiy kompetensiyalarini shakllantirishning muhim omillaridan biri hisoblanadi. Ta'lim dasturi mazmuni ta'lim dasturining maqsadlari hamda amaldagi normativ talablarga muvofiq shakllantirilgan.

3-bob. O'quv jarayonini tashkil etish va o'quv natijalarini baholash yo'nalishi

3-bob bo'yicha o'tkazilgan baholash natijalari hamda taqdim etilgan hujjatlar tahlili asosida mazkur bobdagi barcha indikatorlar muvofiq deb topildi. Tahlillar natijasida "Biznes va boshqaruv" kafedrasida bakalavriat bosqichi uchun o'quv jarayoni tasdiqlangan o'quv reja va dars jadvali asosida tashkil etilgani aniqlandi. Darslar ma'ruza, amaliy mashg'ulot, seminar va mustaqil ta'lim shakllarida olib borilib, o'quv jarayonida an'anaviy va zamonaviy pedagogik yondashuvlar uyg'unlashtirilgan hamda interfaol o'qitish metodlaridan samarali foydalaniladi. Talabalar bilimini baholash reyting tizimi asosida amalga oshiriladi, joriy, oraliq va yakuniy nazorat turlari fanning ishchi dasturlariga muvofiq belgilangan. Baholash mezonlarining shaffofligi, ularning talabalarga oldindan e'lon qilinishi hamda akademik halollik tamoyillariga rioya etilishini ta'minlovchi mexanizmlar shakllantirilgan. O'quv jarayoni va baholash tizimi ta'lim dasturining maqsadlari hamda amaldagi normativ talablarga muvofiq tashkil etilgan.

4-bob. Talabalar faoliyati yo'nalishi

4-bob bo'yicha o'tkazilgan baholash natijalari hamda taqdim etilgan hujjatlar tahlili asosida mazkur bobdagi barcha indikatorlar muvofiq deb topildi. Tahlillar natijasida "Biznes va boshqaruv" kafedrasida bakalavriat talabalarining o'quv va o'quvdan tashqari faoliyatini tashkil etish bo'yicha samarali tizim shakllantirilgani aniqlandi. Talabalar ilmiy to'garaklar, tanlovlar, fan olimpiadalari va ilmiy-amaliy konferensiyalarda faol ishtirok etadi, professor-o'qituvchilar esa ularning ilmiy maqola va tezislar tayyorlashiga ilmiy rahbarlik qiladi. Talabalar amaliyot davrida real biznes subyektlari faoliyati bilan bevosita tanishish va kasbiy ko'nikmalarini amaliy muhitda rivojlantirish imkoniyatiga ega. Biznesni boshqarish yo'nalishi uchun korxona va tashkilotlarda o'tkaziladigan amaliyotlar boshqaruv kompetensiyalarini shakllantirishning muhim omillaridan biri hisoblanadi. Talabalarni qabul qilish, ularning akademik harakatini tashkil etish va qo'llab-quvvatlash jarayonlari amaldagi normativ-huquqiy hujjatlar asosida yo'lga qo'yilgan bo'lib, talabalar faoliyatini

tashkil etish tizimi ta'lim dasturining maqsadlari hamda amaldagi normativ talablarga muvofiq shakllantirilgan.

5-bob. Inson resurslari yo'nalishi

5-bob bo'yicha o'tkazilgan baholash natijalari hamda taqdim etilgan hujjatlar tahlili asosida mazkur bobdagi barcha indikatorlar muvofiq deb topildi. Tahlillar natijasida "Biznes va boshqaruv" kafedrasida inson resurslarini boshqarish tizimi amaldagi normativ talablarga muvofiq shakllantirilgani aniqlandi. Kafedra professor-o'qituvchilari tarkibi 5 nafar professor, 2 nafar professor vazifasini bajaruvchi, 2 nafar dotsent, 7 nafar dotsent vazifasini bajaruvchi, 5 nafar katta o'qituvchi, 4 nafar o'qituvchi hamda 5 nafar o'qituvchi-stajyordan iborat bo'lib, asosiy shtatdagi professor-o'qituvchilar ulushi belgilangan 76 foizlik me'yor talabiga muvofiq ta'minlangan. Professor va dotsent lavozimlarida faoliyat yuritayotgan xodimlar yetarli ilmiy daraja va unvonlarga ega hamda ta'lim dasturini sifatli amalga oshirish uchun zarur kasbiy salohiyatni ta'minlaydi. Professor-o'qituvchilarning malakasini muntazam oshirish va kasbiy rivojlantirish tizimi yo'lga qo'yilgan bo'lib, inson resurslarini boshqarish ta'lim dasturining maqsadlari hamda amaldagi normativ talablarga muvofiq tashkil etilgan.

6-bob. Moddiy-texnik ta'minot yo'nalishi

6-bob bo'yicha o'tkazilgan baholash natijalari hamda taqdim etilgan hujjatlar tahlili asosida mazkur bobdagi barcha indikatorlar muvofiq deb topildi. Tahlillar natijasida "Biznes va boshqaruv" kafedrasida bakalavriat ta'lim yo'nalishi bo'yicha o'quv jarayonini samarali tashkil etish uchun zarur moddiy-texnik baza shakllantirilgani aniqlandi. Kafedraga biriktirilgan o'quv xonalari zarur mebel, kompyuter texnikasi va multimedia vositalari bilan jihozlangan bo'lib, ma'ruza va amaliy mashg'ulotlarni o'tkazish uchun proyektor, ekran hamda boshqa texnik vositalar ishchi holatda saqlanadi. Axborot-resurs markazi orqali talabalarning o'quv va ilmiy adabiyotlar, elektron resurslar hamda internet tarmog'idan foydalanishi ta'minlangan. Moddiy-texnik baza sanitariya-gigiyena va yong'in xavfsizligi talablariga muvofiq tashkil etilgan bo'lib, uni zamonaviy ta'lim texnologiyalari va texnik vositalar bilan bosqichma-bosqich rivojlantirib borish ta'lim sifatini yanada oshirishga xizmat qiladi. Moddiy-texnik ta'minot tizimi ta'lim dasturining maqsadlari hamda amaldagi normativ talablarga muvofiq shakllantirilgan.

6. BAHOLASH YO'NALISHLARI (BOB) BO'YICHA ANIQLANGAN KAMCHILIKLAR VA NOMUVOFIQLIKLAR

Jiddiy kamchiliklar (akkreditatsiyaga to'sqinlik qiluvchi):

Ta'lim dasturini yo'lga qo'yish uchun to'sqinlik qiladigan jiddiy kamchiliklar aniqlanmadi

Bartaraf etilishi lozim bo'lgan juz'iy kamchiliklar:

- ✓ Ayrim indikatorlar bo'yicha dalillovchi materiallar bazasini kengaytirish maqsadga muvofiq.
- ✓ Moddiy-texnik bazani zamonaviy talablar darajasida izchil rivojlantirish tavsiya etiladi.
- ✓ Real biznes tashkilotlari bilan amaliyot hamkorligini kengaytirish maqsadga muvofiq.

7. TA'LIM DASTURINI SIFATLI TASHKIL ETISH BO'YICHA TAVSIYALAR

- ✓ Dalillovchi materiallar bazasini kengaytirish va o'quv-metodik ta'minotni yangilash.
- ✓ Moddiy-texnik baza va raqamli ta'lim muhitini izchil rivojlantirish.
- ✓ Real biznes tashkilotlari bilan amaliyot va loyihaviy hamkorlikni kengaytirish.
- ✓ Kafedra ilmiy salohiyatini va xalqaro hamkorlikni oshirish.

8. TA'LIM DASTURI BO'YICHA YAKUNIY XULOSA

Baholash natijalariga ko'ra, "Oriental universiteti" mas'uliyati cheklangan jamiyatining 60410900 – Biznesni boshqarish bakalavriat ta'lim dasturi bo'yicha taqdim etilgan hujjatlar, o'quv-uslubiy ta'minot, tashkiliy-boshqaruv tizimi, ta'lim dasturi mazmuni, o'quv jarayoni, talabalar faoliyatini tashkil etish, inson resurslari hamda moddiy-texnik ta'minot kompleks tahlil qilindi. Tahlillar natijasida ta'lim dasturini amalga oshirish uchun mas'ul tarkibiy tuzilma sifatida "Biznes va boshqaruv" kafedrasini faoliyati yo'lga qo'yilgani hamda uning boshqaruv tizimi amaldagi namunaviy shtat me'yorlari asosida shakllantirilgani aniqlandi. Ta'lim dasturi Davlat ta'lim standartlari va malaka talablari asosida ishlab chiqilgan bo'lib, har bir fan bo'yicha o'quv-metodik majmualar, ishchi dasturlar va baholash vositalari tayyorlangan. O'quv jarayoni zamonaviy pedagogik yondashuvlar va interfaol metodlar asosida tashkil etilib, talabalar bilimini baholash reyting tizimi orqali amalga oshiriladi. Talabalarning ilmiy va amaliy faoliyatini qo'llab-quvvatlash mexanizmlari shakllantirilgan, amaliyotlar real biznes subyektlari bilan hamkorlikda tashkil etiladi. Kafedrada 5 nafar professor, 2 nafar professor vazifasini bajaruvchi, 2

nafar dotsent, 7 nafar dotsent vazifasini bajaruvchi hamda boshqa professor-o'qituvchilar faoliyat yuritib, asosiy shtatdagi professor-o'qituvchilar ulushi belgilangan me'yor talabiga muvofiq ta'minlangan. Ta'lim dasturini amalga oshirish uchun zarur moddiy-texnik baza, axborot-resurs markazi va zamonaviy o'quv infratuzilmasi mavjud. Baholash yakunlariga ko'ra, tashkiliy-boshqaruv, ta'lim dasturi mazmuni, o'quv jarayoni, talabalar faoliyati, inson resurslari hamda moddiy-texnik ta'minot yo'nalishlarining barchasi belgilangan akkreditatsiya mezonlariga muvofiq deb topildi. Aniqlangan ayrim jihatlar ta'lim dasturini amalga oshirishga to'sqinlik qilmaydi hamda uni yanada takomillashtirishga qaratilgan tavsiyaviy xususiyatga ega. Umuman olganda, 60410900 – Biznesni boshqarish bakalavriat ta'lim dasturi belgilangan akkreditatsiya mezonlari va talablariga muvofiq hisoblanadi. Shu asosda ta'lim dasturi MUVOFIQ deb topildi.

9. TA'LIM DASTURI BO'YICHA AKKREDITATSIYA KOMISSIYASI QARORI

Akkreditatsiya komissiyasi qarori sanasi:	02.07.2026
Akkreditatsiya komissiyasi bayon soni:	4-son
Yakuniy qaror:	AKKREDITATSIYADAN O'TDI



+998 55 505 30 30



info@nqaee.uz
www.nqaee.uz



@nqaeeuz



@nqaeeuzbot

